

նոճենիք: Եւ կայր Հայոց եպիսկոպոս մի,
 հարեղայ մի եւ էրէց մի, հարիւր տուն հայի
 եւ երկու եկեղեցի. մինն ի բերթն եւ մինն ի
 130 դուրս: Եւ ունէր սա որպէս Մանիսան՝ բերթ
 անառիկ ի վերայ բարձր լերին. բայց հաւան
 գէշ էր եւ ջուրն՝ չար: Եւ կացաք անդ երեք
 ամիս:

Եւ անտի երկու օրն հասաք ի ԹԻՐՍՅ:
 135 Եւ սա մեծ քաղաք էր, պէնտէր եւ չէն. զի
 ամէն օր բեռն կու կապվէր եւ քարվան կ'ել-
 նէր. բայց հայ տասն տուն կար. եւ էրէց
 չկար: Կացաք անդ ութ օր. քաղաքայիքն
 յոյժ քաղցր էին եւ հիւրասէր, Հայք եւ Տա-
 140 ճիկքն:

Անտի ելեալ օրուկէսն հասաք ի ԿՕՁԱԼ
 ՀԻՍՍՐՆ: Եւ ի ճանապարհին կէսն դիպաք
 մեծ եւ բարձր լերան մի. եւ ի գլուխ լե-
 րինն կայր աղբիւր մի քաղցրահամ, ցուրտ
 145 եւ սառն, որ յամառն մարդ չի կարել երկու
 կում ըմպել ի պաղութենէն: Եւ իջեալ ի լեռ-
 նէն ի դաշտն, ուստի սկսաւ նեղել զմեզ հա-
 լան, մինչ զի հիւանդացաք ամէնքս. զի սէ-
 հիլ էր երկիրն այն եւ մերձ հարաւակողմ
 150 ջուրքն վնասարարք եւ պտուղքն սաֆի նա-
 րինձ, թուրինձ եւ լիմօն անթիւ եւ աժան,
 ձմեռ չի լինէր, այլ հանապաղ ամառ, մինչ
 զի անասունք եւ չորքոտանիք ի տարին եր-
 կու անգամ ծնանէին. նոյնպէս ամենայն բոյսք